

PROSLAVA 50-GODIŠNICE GEODETSKOG FAKULTETA U ZAGREBU

— Zagreb 10. i 11. travnja 1970. —

U povodu judileja, 300. godišnjice osnutka Sveučilišta i 50-godišnjice djelovanja tehničkih fakulteta, Geodetski fakultet u Zagrebu proslavio je također 50-godišnjicu visokoškolske geodetske nastave u Hrvatskoj.

Proslava je održana 10. i 11. travnja 1970. Bili su pozvani svi inženjeri geodezije i kulturne tehnike koji su diplomirali na fakultetu u Zagrebu od 1924. godine, a za koje je Organizacioni odbor doznao njihove današnje adrese. Unatoč manjkavim podataka o adresama, odaziv na uručene pozive je ispunio očekivanja, pa je samo od »vanjskih učesnika« prisustvovalo proslavi oko 130 kolega. Njima su se pridružili još i brojni gosti, počasni gosti i bivši nastavnici, te osoblje kolektiva i studenati Geodetskog fakulteta.

Proslava je održana pod pokroviteljstvom admirala Mate Jerkovića, podsekretara Državnog sekretarijata Narodne obrane.

Svečani dio proslave održan je 10. travnja prije podne u velikoj dvorani A. G. i G. fakulteta.

U odsutnosti bolesnog dekana prof. Slavka Macarola proslavu je otvorio prof. dr Franjo Braum prodekan fakulteta. Svojim prisustvom, proslavu su počastili u ime predsjednika Gradske skupštine potpredsjednik Ratko Karlović, predsjednik Jugoslavenske Akademije znanosti i umjetnosti prof. dr Grga Novak, direktor Savezne Geodetske uprave Vaso Blagojević, predstavnik Vojno-geodetskog instituta, predstavnici srodnih fakulteta iz Beograda i

Ljubljane, predstavnici tehničkih fakulteta iz Zagreba te blizu 300 ostalih učesnika iz cijele Jugoslavije.

Pokrovitelj proslave admirал Mate Jerković ispričao se opširnim pismom da zbog zauzetosti službenim poslovima ne može prisustvovati proslavi. Čestitajući značajni jubilej zaželio je Geodetskom fakultetu mnogo uspjeha u dalnjem radu.

Pismeno je proslavu pozdravio i zaželio mnogo uspjeha u radu prvi diplomirani inženjer Dušan Ivošević iz Zemuna, ispričavši se što zbog slabog zdravlja nije u mogućnosti prisustvovati.

Minutom šutnje odana je počast preminulim članovima nastavničkog zabora u proteklih 50 godina te diplomiranim inženjerima ove visoke škole.

Proslavu je najprije pozdravio i fakultetu zaželio mnogo uspjeha predsjednik Jugoslavenske akademije znanosti i umjetnosti prof. dr Grga Novak. On je u svom govoru najprije istaknuo značaj geodezije kao jedne od najstarijih tehničkih struka, njeno djelovanje u kulturnom i ekonomskom životu naroda, za koje i mi raspolažemo vrijednim starim povijesnim grafičkim i pisanim dokumentima. Prof. Novak je u dalnjem svom izlaganju istaknuo značajnu ulogu Geodetskog fakulteta u razvijanju naučne djelatnosti i istraživalačkog rada u našoj zemlji.

Zatim je proslavu pozdravio prof. dr Miodrag Jovanović u ime Geodetskog odsjeka Građevinskog fakulteta u Beogradu, istaknuvši velike zasluge ove vi-

sokoškolske ustanove za odgoj stručnjaka koji djeluju na području cijele Jugoslavije. To je bila škola gdje se već tada njegovalo bratstvo i jedinstvo naših naroda.

Proslavu su pozdravili u ime AGG fakulteta u Ljubljani prof. dr Alojz Podpečan, Vojno-geografskog instituta i Saveza GIG-a Jugoslavije puk. Ivan Buder Savezne geodetske uprave direktor Vaso Blagojević, Saveza GIG-a BiH-a i Srednje geodetske škole u Sarajevu direktor škole Vladimir Lukić, dipl. inž., Saveza Studenata Zoran Pucić, te prof. dr Nikola Cubranović koji je kao najstariji profesor Geodetskog fakulteta pozdravio dugogodišnjeg profesora Tehničkog fakulteta, pa i Geodetskog odjela prof. dr Željka Markovića.

Na kraju je proslavu pozdravio Kristo Pfaff geodet, koji je apsolvirao geodetski tečaj na Visokoj tehničkoj školi i bio jedan od prvih suradnika na Katedri za nižu geodeziju Visoke tehničke škole.

Nakon pozdravnih govora, Prof. Matija Janković održao je referat »Razvoj geodetskog visokoškolskog studija u Hrvatskoj«. Referat je obuhvatio period prvih početaka visokoškolske Geodetske nastave u sastavu Šumarske akademije 1908. do danas.

Po završetku svečanog dijela, priređen je prijem kod Dekana Geodetskog fakulteta, a predstavljeni tvrtke Wild — Heerbrugg »Unikomer« priredilo je za 50 uzvanika svečani ručak u hotelu »Palace«.

Namjera Geodetskog fakulteta je bila da ovaj susret nastavnika i njegovih bivših studenata iskoristi također, za

upoznavanje nekih novijih dostignuća u struci te za upoznavanje problema koji se javljaju u praksi, sa ciljem što uspješnije daljnje suradnje Fakulteta i prakse.

U tu svrhu, predviđen je bio i održan istog dana poslije podne i rađni — stručni dio sastanka ispunjen sa 12 stručnih koreferata i diskusijom.

Naveče je u hotelu »Esplanade — International« priređena svečana večera za 180 uzvanika. Večera je protekla u veoma prijatnoj, srdačnoj i drugarskoj atmosferi, ispunjena sjećanjem na studentske dane.

Učesnici proslave ponovo su se sastali drugog dana prije podne, prilikom posjeti izložbi suvremenih geodetskih instrumenata. Izloženi su bili i demonstrirani moderni instrumenti firme Wild, Kern, Zeiss, te stolni elektronski računski stroj firme Wang.

U 12 sati, predsjednik Skupštine grada Zagreba, priredio je prijem za 100 uzvanika.

Svim učesnicima proslave dodijeljene su spomen značke i mape, »Spomenica Geodetskog fakulteta 1919-1969«, publikacija »Pedesetogodišnjica tehničkih fakulteta Sveučilišta u Zagrebu« i »Zbornik radova povodom 50-godišnjice Geodetskog fakulteta«.

Proslavu su materijalno pomogli Savjet za naučni rad SR Hrvatske, Skupština grada Zagreba i geodetske radne organizacije iz Zagreba. Kolektiv Geodetskog fakulteta im se i ovom prilikom zahvaljuje na razumijevanju i pomoći.

Narobe

Surađujte i pretplaćujte se na
• GEODETSKI LIST •

SIMPOZIJUM

posvećen dostignućima poljske geodezije za 25 godina NR Poljske.

13. i 14. marta 1970. održan je u Varšavi naslovni simpozijum na koji je kao gost Udruženja poljskih geodeta (SGP) pozvan predsjednik SGIGJ Abdulah Muminagić, dipl. inž., a Jugoslovenski komitet za geodeziju i geofiziku predstavljao je dr. Mitja Grašić, dipl. inž.

12. marta održan je i sastanak predsjedništva SGP, na kojem je A. Muminagić jednoglasno izabran za dopisnog člana SGP »za zasluge na razvijanju geodetske nauke, razvijanju međunarodne saradnje i posebno prijateljskih odnosa između jugoslovenske i poljske geodezije«. Tom prilikom mu je uručena i posebna, ukusno izrađena povelja ispisana na poljskom i srpskohrvatskom jeziku.

Sam rad simpozijuma bio je podjeljen na tri dijela: 13. marta održano je na plenarnom zasjedanju 18 referata posvećenih dostignućima na svim poljima geodetske delatnosti i geodetske delatnosti u svim resorima u kojima se ona odvija.

14. marta predavanja su održana u dvije sekcije: U I sekciјi (za višu geodeziju) održano je 11 naučnih saopštenja, i u II (za nižu i primjenjenu geodeziju) takođe 11 saopštenja.

13. marta —

1. Prof. Mihail Odlanicki - Počobut dao je saopštenje:

»Naučna dostignuća poljske geodezije i kartografije (1944—1969)«. Po njemu — geodetska delatnost se odvija u: Glavnoj upravi za geodeziju i kartografiju, Ministarstvu komunalne privrede, Ministarstvu poljoprivrede, a i u drugim resorima za pokrivanje svojih potreba. Operativne poslove izvode velika preduzeća.

Kadrovi se spremaju na tri fakulteta: Varšavskom politehničkom institutu, Rudarsko-metalurškoj akademiji u Krakovu i Višem poljoprivrednom institutu u Oljštinu, kao i na geodetskim odeljenjima melioracionih fakulteta u

Krakovu i Vroclavu. Na nizu negeodetskih fakulteta postoje katedre za geodeziju. Ukupno ih ima 46 (1939-10). U 1969 izvršena reorganizacija s ciljem da se stvore veliki kadrovski i materijalno obezbjeđeni instituti.

Za čisto naučni rad 1945. formiran je Institut geodezije i kartografije, a pri AN Laboratorija planetarne geofizike i Komitet za geodeziju, Rudarsko-geodetska komisija u Krakovu i Kompleks istorije geodezije u Varšavi. (Do rata nije ih bilo). Danas u Poljskoj radi 13.000 stručnjaka (do rata je bilo 400 inženjera). Sve ove organizacije su razvile široku međunarodnu saradnju.

Za 25 godina izdano je 280 naslova geodetskih knjiga (1918 — 1933 samo 120).

Pored praktičnog postavljanja visokokvalitetnih mreža triangulacije i nivelmana poljska geodetska nauka je dala veliki doprinos u rešavanju niza naučnih problema kao: ispitivanje geoida, geodetsko korišćenje satelita, originalna razrada metode kosmičke triangulacije, inženjerske geodezije, fotografmetrije, kartografije, privredne geodezije, razrada metoda geodetskih računanja (posebno rešenja velikog broja normalnih jednačina) itd.

U toku je izrada tehničkih i teorijski jedinstvene topografske karte (1:25000, 1:10000 i 1:5000) i osnovne — 1:5000, 1:2000 i 1:1000.

Novi statut PAN omogućava takve organizacione forme kojima se objedinjava naučno-istraživački rad u visokim školama, Poljskoj akademiji nauka i resornim institutima.

2 — Mgr. inž. Boris Šmeljev — podnio je referat

»25 — godišnjica geodetske službe u Narodnoj Republici Poljskoj«, u kojem je prikazao put, organizacioni razvoj i tehničke zadatke i uspjehe poljske geodetske službe. Istakao je da je osm postavljanja geodetskih mreža važan zadatak bio njihovo čuvanje i konzervacija.

Glavna geodetska uprava ima zadatak da cijelu privredu snabdijeva jedinstvenim kartama, čija izrada je planirana u zavisnosti od potreba ekonomike i razvoja zemlje. Zahvaljujući tome geodetska proizvodnja postala je samostalna grana narodne privrede. Godišnje se izdaje 220 listova raznih karata.

Osnovni pravci tehničkog napretka su potreba fotogrametrije, elektronike u mjerjenjima, računanjima i kartografsanju, usavršavanje i mehanizacija reprodukcije.

Podvukao je i bitnu ulogu SGP (Društvo poljskih geodeta) i njegovih sekcija u razvitku nauke preko organizovanja naučnih skupova, obuke kadrova (kursevi) i djelatnosti odjeljenja u preduzećima.

3 — Dr. inž. Stanislav Pahuta — u referatu

»Efekti i uloga SGP u sporovođenju u život dostignuća najnovije tehnike i organizacije u geodeziji i kartografiji« govorio je prvo o istoriji stvaranja SGP i njegovih organizacija.

U Udrženju sada radi 5 naučnih sekcija: fotogrametrijska, kartografska za inženjersku geodeziju, uređenje zemljišta, gradsku geodeziju. U njega je učlanjeno skoro 10000 članova, koji rade u oko 300 podružnica u preduzećima i gradovima.

Za 25 godina SGP je organizovalo 38 naučnih konferencija s ciljem da se slijedaju i riješe osnovni organizacioni, naučni i tehnički problemi razvoja geodetske službe i struke s ciljem da se ubrza opšti razvitak zemlje. Radi obucavanja kadrova u rukovanju novom tehnikom i ovlađavanju novom teorijom SGP je organizovao 24 kursa za cijelu zemlju sa 100—200 časova obuke.

Glavna komisija za obuku organizuje naučne simpozijume za rukovodeći kadar geodetskih preduzeća.

Izdan je petojezični geodetski rječnik

4. — Inž. Romuald Baranecki u referatu

»Geodezija u šumarstvu za 25 godina NR Poljske« istakao je društvene promjene za poslednjih 25 godina koje su se odrazile i na upravljanje i eksploataciju šuma, koje pokrivaju 26,4% državne teritorije.

Geodeti su u tome odigrali ogromnu ulogu pri rješavanju pitanja vlasništva (ukidanjem privatnog), inventarizacije i stanja, izradi osnovne namenske karte 1:5000 i planova eksploatacije i njihovog stalnog održavanja.

Zbog specifičnosti problema formiranja je resorna geodetska služba, koja je tjesno sarađivala sa GGU.

5 — Mgr. inž. I. Bausmer, Mgr. inž. V. Čivinjski i inž. E. Pokorni u referatu

»Geodetska služba u Ministarstvu saobraćaja i njena dostignuća za 25 godina NRP« — dali su istorijski osvrт ove službe, teškoće na koje je nailazila i kako su se one otklanjale. Opisani su i radovi koje vrši geodetska služba u Ministarstvu i tempo njihovog izvršavanja.

6 — Mgr. inž. Jan Žendovski i Henrik Citovski — u referatu:

»Izdavačka djelatnost Državnog zavoda za kartografska izdanja« iznijeli su zadatke zavoda: redakcija, grafička i reproduksijska obrada i štampanje karata i atlasa za škole i opštu upotrebu, specijalnih karata za administraciju i privrednu, tablica, udžbenika i knjiga iz geodezije i kartografije. Izložili su uzroke nastajanja i proces stvaranja zavoda u vezi sa potrebama svestranog privrednog i kulturnog razvoja Poljske.

Nabrojali su najznačajnija izdanja nastala u vezi s tim. Od osnivanja 1951. izdano je 629 raznih karata, 91 geografski i istorijski atlas i 15 globusa — za škole, a 384 karte, tablice i dr. Ukupni tiraž karata je 59,5 miliona.

*7 — Dr. inž. Veneda Dobačevska pod
njela je referat — izvještaj*

»Dostignuća Poljske akademije nauka u oblasti satelitske geodezije«. U PAN — Geofizičkom institutu postoji Sekcija planetarne geodezije, u kojoj su se oformila tri pravca istraživanja: Satelitska geodezija, geodetska astronomija fizička geodezija. Ona osniva stanice za opažanje satelita i koordinira njihov rad, kao i učeće u međunarodnim programima kroz razne vidove saradnje. Iz ove oblasti odbranjeno je 6 doktorskih disertacija.

8 — Mgr. inž. Konstantin Dumanjaski u referatu

»Geodezija u uređenju zemljišta za 25 godina NR Poljske« kaže da je ova služba sa sasvim određenim zadacima formirana u periodu sprovođenja agrarne reforme i naseljavanja zapadnih oblasti. U toku ispunjavanja zadataka u službi je radilo nekoliko hiljada stručnjaka.

Djelatnost službe odvija se u tri osnovna pravca: inventarizacija, uređenje zemljišta i rad na investicijama u poljoprivredi. Pored opšteg premjera inventarizacija je obuhvatila i u ratu minirana zemljišta i druge ratne zaostatke, a posebno i kapitalno djelo je — opšta pedološka klasifikacija zemljišta, koja je obuhvatila 23 miliona hektara. To je služilo za izradu pedoloških karata i sva planiranja u poljoprivredi. Geodetska služba čuva poljoprivredna zemljišta od nepravilnog korišćenja za nepoljo privredne svrhe. Oni vrše i planiranje i organizaciju poljoprivrednih površina za naprednu obradu. U poslednje vrijeme posebno se razvijaju komasacioni radovi, kao glavni vid uređenja privatnih posjeda.

Velika uloga geodete je u hidromelioraciji poljoprivrednih zemljišta.

Za izvršenje svih ovih raznovrsnih radova vrši se odgovarajuća priprema kadrova, a za uspješnije djelovanje — uvodi savremena tehnika.

9 — Prof. dr. inž. Roman Hlibovicki u referatu

»Geodezija u visokim školama Donje Šlezije« dao je pregled razvoja geodetskih katedri na fakultetima Univerziteta i Politehničkog instituta u Vroclavu. Glavni naučno-istraživački problem katedri je: »Geodetske metode pri obezbjeđenju potreba narodne privrede u oblasti katastra zemljišta, uređenja zemljišta i melioracija«.

Podvukao je saradnju sa privredom, koja, osim ekonomskih efekata za obe strane, naučno-istraživački rad stalno usmjerava na zadovoljenje potreba privrede zemlje.

10 — Prof. dr. inž. Časlav Kamela podnio je referat:

»Dostignuća Fakulteta za Geodeziju i kartografiju Varšavskog politehničkog instituta u vezi sa 25 godišnjicom NRP«. Na fakultetu ima 11 geodetskih katedri (prije rata 3): 1. za nižu geodeziju, 2. za geodetska detaljnja mjerjenja 3. za račun izravnjanja i geodetska računanja, 4. za višu geodeziju, 5. za višu geometriju, 6. za geodetsku astronomiju, 7. za fotogrametriju, 8. za kartografiju, 9. za inženjersko-industrijsku geodeziju, 10. za uređenje zemljišta i 11. za katastar i pedologiju.

Za 25 godina diplomiralo je 2200 studenata, odbranjeno je 75 kandidatskih disertacija. Napisano je oko 1000 članaka, par stotina udžbenika i podnešeno na stotine naučnih referata i saopštenja.

11 — Prof. dr. inž. Zigmund Kovalčík referisao je o

»Dostignućima geodetskih katedri visokih škola Krakova«. Ukupno ima 15 geodetskih katedri. Iznio je dalje široki dijapazon problema koji su izučavani, riješeni i razrađeni — počev od metode obrade i izravnjanja geodetskih mreža, orijentacije podzemnih snimanja do korišćenja elektronskih za nad— i podzemni premjer i satelitske geodezije. Katedra geodezije na Politehnici vrši ispitivanja deformacija čeličnih i armirano-betonskih konstrukcija, kao i tačnosti montaže visokih konstrukcija.

12 — Doc. Stanislav Krinski u referatu

»Institut za geodeziju i kartografiju 1944-1969. godine« upoznao je prisutne sa istorijom i radovima IGG, koji je osnovan odmah po oslobođenju i u početku se bavio istraživanjima u oblasti geodetskih računanja deformacija građevina i zemljišta. Tokom vremena, uključujući se u zadatke geodetske službe razvija djelatnost iz svih područja geodezije, kartografije, fotogrametrije i inženjersko-industrijske geodezije. U planu 1971—75 djelatnost Instituta se uklapa u opšti plan naučno-istraživačkog rada u geodetskoj struci, koji održava potrebe privrede.

Do sada je IGG dao nekoliko stotina naučnih i tehničkih tomova izdanja, 30 patenata i industrijskih prototipova. Razvio je takođe široku međunarodnu naučnu saradnju.

— *Mgr. inž. Cezari Lipert* referisao je

»O vojnoj geodetskoj službi za 25 godina NRP«. Iznio je istorijski osvrt od 1921 do danas. Prolazeći razne faze u svom radu uvijek je u svojim radovima imala geodeže vrhunskog ranga. Posebno kvalitetan razvitak i plodan rad je karakteriše posle II Svetskog rata. U Oficirskoj topografskoj školi odgojen je veliki broj vrsnih stručnjaka, koji su armiju snabdijeli nizom opštih i specijalnih karata. Danas je to jaka, moderno opremljena služba u kojoj rade stručnjaci najviših kvalifikacija.

14 — Mgr. inž. Branislav Lipinski podnio je referat

»25 godina gradske geodezije« Ratna razaranja, propusti i gubici u gradskoj izgradnji i dokumentaciji, razvitak građova i opšta tendencija k urbanizaciji izazvalo je razvoj geodetske službe (zbog njene velike uloge u rješavanju tih pitanja) u okviru resora komunalne privrede.

1952. u takvoj službi radilo je 230 stručnjaka. Danas, u 89 gradskih geodetskih biroa — podčinjenih Odjeljenju stambene i komunalne privrede — i 19 preduzeća radi oko 5000 ljudi, od čega 2700 inženjera i tehničara. Ukupni izdaci za geodetske radove u ovoj oblasti iznosili su 1700 miliona novih dinara.

Služba je postavila geodetske mreže u svim gradovima, gradske karte postoje za 97% površine, 2/3 od kojih treba dopuniti ili reanbulirati.

Ovim je geodetski obezbijeđeno: Stambena izgradnja, izgradnja ulica, priprema zemljišta za individualnu izgradnju i komunalnu izgradnju. Katastar zemljišta i inventarizacija prostora predstavljaju materijal za mnoge, privredne, fiskalne, pravne i planske projektnе mere.

Da bi mogli da odgovore zadacima geodetski stručnjaci koji rade u ovoj oblasti sem visoke spremnosti iz geodezije, kartografije i fotogrametrije — u kojima moraju biti uvijek na savremenom nivou znanja i opremljenosti — moraju poznavati upravljanje zemljишnim fondom, gradske inženjerske i komunalne poslove, urbanizam, pravo itd.

U planu 1971—75 predviđa se povećanje ulaganja u ove radove za 40%. Svačajući važnost geodetske službe u gradovima Ministarstvo je pomoglo da se ona snabdiće najsavremenijom tehnikom, sve do mnogih reproduksijskih centara. Četiri preduzeća imaju elektronske računske mašine. Sada raspolažu sa 82 automobila specijalno podešena za geodetske terenske radove.

Ovakav obim radova i zahtjevi prema službi izazvali su potrebu da se na fakultetima obučavaju inženjeri-specijalisti za gradske geodetske radove, kao i da se pojača naučno-istraživački rad u ovoj grani geodetske djelatnosti.

15 — Mgr. inž. Edmund Renjski —

»25 godina geodezije u prostornom planiranju i izgradnji«. U ovom periodu prostorno planiranje se razvijalo ili samostalno ili je ulazio u okvir djelovanja Ministarstva izgradnje. Uloga geodezije uvijek je ostala ista: ona daje prostorni model objekta planiranja — kartu — osnovu za planiranje. Za nju izradu ne postoji posebna resorna geodetska služba. Karte za ove potrebe izrađuje Glavna geodetska uprava: ravnoske karte u razmeri 1:25000 i privredne u 1:10000 i niz karata krupnih razmara kao i katastarski i drugi inventarizacijski planovi.

Međutim radi realizovanja plana investicija u resoru izgradnje je 1952. osnovano Geodetsko - geofizičko - geografsko preduzeće »Geoprojekt« čiji je godišnji obrt u geodetskim poslovima 1.700 000 N. din. U preduzeću radi 141 inženjer i 242 geometra. Od 1957. oni se bave i rudarskim mjerjenjima.

16 — Dr. inž. Bronislav Skniderović
»Rudarska mjerena u toku 25 godina NR Poljske«.

Za rešenje mnogih pitanja istraživanja, geometrizacije, eksploracije i predostrožnosti od posljedica, eksploracije, geodetska-rudarska i površinska mjerena su dragocjena osnova. Njihovom razvijanju i usavršavanju posvećuje se velika pažnja. Razvijene su metode uvođenja fotogrametrije u skoro svim fazama i mjestima rada, žiroteodolitna orijentacija mjerena u šahtama, elektromagnetni daljinomeri i elektronske mašine za računanja i izravnjava komplikovanih mreža. Posebna pažnja se posvećuje teorijskim razradama i uvođenjem novina u praksu.

17 — Mgr. inž. Henrik Stasjević u referatu

»Naučno-didaktička dostignuća geodetskih katedri Vojne tehničke akademije imena Jaroslava Dombrovskog« rekao je da je vojna geodezija na ovoj akademiji uvedena 1957. Nastavi kada nije brojan, imaju niz zapaženih naučnih radova: razrada i ispitivanje infracrvenog teodolita i nivelira, kratkofookusnu kameru za premjer u krupnim razmjerama, 6 racionalizatorskih projekata i 1 patent, uređeno 5 disertacija, a izdat je 1 udžbenik i 7 skripti. U akademiji se pripremaju dobri kadrovi za službu u armijskim uslovima.

18 — Dr. inž. Zofija Tračevska-Bjalkova podnijela je zanimljiv referat

»Razvitak istraživačkih i naučnih radova u oblasti istorije geodezije u toku 25 godina NRP«. Istorijom ove najdrevnije nauke počeli su se baviti i geodeti. U početku u zavisnosti od individualnog interesovanja i teme su imale karakter naučnih kurioziteta. Uočavajući potrebu organizovanog pristupa ovoj materiji zainteresovane i nadležne organizacije su 1957. pri Komitetu za istoriju Poljske akademije

nauka osnovali Grupu za istoriju geodezije. Rad grupe se planira dugoročno i godišnje s namjerom da da kompleksnu obradu istorije geodezije u Poljskoj od najstarijih vremena do danas. Teme su: istorija metoda mjerena, razvitak geodetskih instrumenata, metode računanja, tehnika sastavljanja karata, geodetsko obrazovanje i profesije, izdavačko-dokumentaristička djelatnost.

Izložila je način rada i finansiranja, publicističku aktivnost grupe itd.

Zahvaljujući radu grupe već se može reći da istorija geodezije zauzima lijepo mjesto u opštem razvitu nauke i tehnike u Poljskoj.

Abdulah Muminić, dipl. inž

1 — Doc. dr. hab. inž. Wanda Dabaczewska:

Razmatranja na temu: »Geodetski referenc sistem 1967.«

Nakon što je AIG usvojila vrednosti za $a=6378\ 160\ m$ i $1:a=298,247$, i u vezi s tim jednačinu za normalno ubrzanje sile Zemljine teže $\gamma=978,0318/1+0,005\ 278\ 89\ \sin^2 B + 0,000\ 02\ 346\ \sin^4 B$ gala, potrebno je jednoznačno odrediti položaj elipsoida u Zemlji i prostoru. Detaljnije su razmatrani pojedini uslovi da bi se zadovoljilo gornji zahtev.

2 — Prof. dr. hab. Stanislav Milbert: i Prof. Michał Odolanicki-Poczobutt:

»O interpretaciji Geodetskog referenc sistema 1967.«

Navode se razlozi i cilj usvajanja novog sistema. Autori su na osnovu usvojenih vrednosti za probu sračunali odgovarajuće parametre novog elipsoida i formula za normalno ubrzanje sile teže.

3 — Mgr. inž. Wladislav Goral:

»Metodi nebeske mehanike korišćeni u kosmičkoj geodeziji«

Pokazane su prednosti kosmičke odnosno satelitske geodezije pri određivanju oblika Zemlje. Pri razmatranju kretanja satelita koriste se teorija KeplEROVOG kretanja, teorija perturbacionog kretanja, teorija kretanja oko dva čvrsta gravitaciona centra, metode određivanja elemenata putanje, metode ispravljanja elemenata satelitske putanje. Prve dve teorije prikazane su u vektorskoj formi.

4 — Doc. dr. hab. inž. Bogdan Ney:

»Modificirani način određivanja astronomskog azimuta pomoću Polare«.

Zbog povećanja tačnosti korišćenja Polare pri raznim astronomskim određivanjima (azimut) predlaže se unošenje popravki u rezultate opažanja radi eliminisanja ličnih i instrumentalnih grešaka koje nastaju zbog opažanja pri vrlo različitim vertikalnim uglovima. Popravke se određuju na osnovu merenja razlike azimuta u odnosu na Polaru i zvezde bliske horizontu.

5 — Mgr. inž. Wandi Wyszynska:

»Određivanje zakošenja uređaja za fotouvećanje, koji služi za opažanje prolaza zvezde pri korišćenju naprave nazvane veštačka zvezda«.

Zakošenje fotouveličanja može da bude reda $0,2^\circ$ i razmatrani metod njegovog isključenja zasniva se na korišćenju Zeissovog pribora sa veštačkom zvezdom na osnovu eliminacije instrumentalnih i sistematskih pogrešaka. Rezultati su upoređeni sa sračunatima po formulama sovjetskog astronoma Brandta, koji određuje zakašnjenje na osnovu pravouglih impulsa neonske cevi.

6 — Dr. inž. Juliusz Milewski:

»Mogućnost određivanja koeficijenta refrakcije pomoću svjetlosnih daljinomera«.

Predloženo rešenje zasniva se na merenju rastojanja svjetlodaljinomerom sa dve različite talasne dužine. Date su formule za određivanje koeficijenata refrakcije sa praktičnim uputstvima.

7 — Doc. dr. inž. Zdzisław Adamczewski:

»Metod najveće zavisnosti i njegova geodetska primena«

Predloženi metod izravnjanja opaženih veličina razlikuje se od metoda najmanjih kvadrata i autor ga naziva metodom najveće zavisnosti. Zasniva se na određivanju optimalnih koeficijenata a_i uz veličine x_i koje su linearno povezane sa opažanim vrednostima Z_i , pod uslovom da su svi koeficijenti pozitivni. Razmatranje je propraćeno praktičnim primerima.

8 — Doc. dr. hab. inž. Bogdan Ney:

»Detodika i rezultati podudaranja empiričkog rasporeda grešaka sa modela«.

Razmatrani su statistički metodi ispitivanja grešaka zasnovani na principu asimetričnog i spljoštenog rasporeda. Razrađen je kriterijum Pirsona i Kolmogorova.

9 — Dr. inž. Aleksandar Skorczyński:

»Optimalni programi opažanja u bazisnim mrežama oblika deltoida i romba«

Razmatrani su bazisni sistemi gornjih oblika i date su formule za računanje optimalnog broja serija opažanja pojedinih uglova kao i predviđene srednje greške bezisa.

10 — Doc. dr. hab. inž. Jerzy Gazdowski:

»Razvitak geodetske primene elektronske računske tehnike u Poljskoj«.

Prvi radovi ove vrste datiraju iz 1962. g. kada je u Institut za geodeziju i kartografiju konstruisana elektronska računska mašina UMC 1. i UMC 10. 1967. godine konstruisana je specijalna geodetska računska mašina GEO-1 i savršenja GEO-2. Sledeće godine biće u upotrebi 20 elektronskih mašina. Razmatrani su i ostali problemi sa tog područja.

11 — Dr. inž. Tadeusz Wyrzykowski:

»Geodetsko ispitivanje savremenih vertikalnih pokreta Zemljine kore na teritoriji Poljske«.

Do sada su izrađene dve karte gornjeg sadržaja: prva u 1962. g. u razmeru 1:4 000 000 i druga u 1968. g. u razmeru 1:1 500 000 kao deo zajedničke kar te evropskih zemalja.

12 — Mgr. inž. Wojciech Krzeminski:

»Razvoj geodetske primene elektronskih merenja rastojanja u Poljskoj«.

Konstrukcijom mikrotalasnog daljinomjera RG 10 stvorene su mogućnosti za višu primenu ovih instrumenata, mada se konstatuje, da je njihov broj vrlo mali. Potrebna sudjelja ispitivanja tačnosti instrumenata i njihova optimalna primena.

Dr Mitja Grašić dipl. inž.

13 — Mgr. inž. Jozef Beluch:

»Formule za računanje srednje kvadratne greške rastojanja merenog pomoću elektromagnetskih daljinomera u linearnim mrežama«.

Ako su elementarne figure kvadrati sa merenim stranama i dijagonalama, srednja greška merenog rastojanja glasi:

$$M = \pm \sqrt{\frac{[FF]}{8n}}$$

gde je F slobodan član iz uslovnog izravnjanja, a n broj elementarnih figura (kvadrata).

14 — Mgr. inž. Wieslaw Madej:

»Istraživanje stabilnosti nivelmanskih repera«.

Prikazani su rezultati petogodišnjih ispitivanja stabilnosti položaja više vrsni repera na različitom zemljisu. Na osnovu upoređenja rezultata nivelanja u razno godišnje doba primećeno je da najveći uticaj stabilnosti repera ispoljavaju podzemne vode. Predloženi su odgovarajući reperi sa dubljom stabilizacijom za močvarne terene.

15 — Dr. inž. Krystina Kaminska:

»Obeležavanje geodetske osnove u gradovima zidnim belegama«

Opisan je način obeležavanja poligonskih tačaka sa dve bliske horizontale šipke zabijene u zid simetrično na ugao zgrade. Obe šipke imaju određene koordinate, tako da je moguće dobiti jednostavnim načinom i koordinate pro izvornog stajališta instrumenta. Zbog čestih rekonstrukcija ulica ovakva stabilizacija poligonske mreže je stabilnija i trajnija i zajednička je sa visinskom mrežom. Izvršena su potrebna ispitivanja.

16 — Mgr. inž. Andrzej Gutkowski:

»Niveliri za nočna mjerena: N i P«

Na vojnoj tehničkoj akademiji konstruisan je nivelir za nočna merenja. Problem se svodi na izradu durbina za infracrveno svetlo. Ostali elementi nivelira ostaju isti. Za osnovu korišćen je nivelir Zeiss Koni 007, s tim da je prerađen optički sistem na talasnu dužinu od 0,89 mikrona.

Dužina vizure može da iznosi od 10 do 70 metara.

17 — Dr. inž. Janusz Martusewicz:

»Metod neposrednog određivanja tehničke vrednosti centralnih sistema«.

Na osnovu srednjih kvadratnih grešaka proizvoljnih funkcija jednačina izravnjanja izvedene su stroge i uprošcene formule o zavisnosti grešaka od geometrijskih elemenata geodetskih mreža. Formule omogućuju procenu tehničke vrednosti mreža prilikom projektovanja. Rad je izložen pomoću krovovana.

18 — Mgr. Josef Beluch:

»Ispitivanje mogućnosti razvijanja linearnih mreža izmerenih elektromagnetskim daljinomerima«.

Izložena je koncepcija razvijanja trilateracijskih mreža nižih redova sastavljenih iz kvadrata sa dijagonalama, gde susve dužine izmerene elektronskim daljinomjerima. Na osnovu izvedenih srednjih grešaka pojedinih elemenata ovakvih mreža, dokazano je da se iste mogu koristiti kao osnova za izvođenje velikih projekata.

19 — Dr. inž. Jan Chmura:

»Primena metode razlike evolvenata u planiranju novih osovina cesta i ulica predviđenih za rekonstrukciju«.

Kod modernizacije putne mreže, tj. korekture ose puta ili pruge najoptimalniji je analitički metod preračunavanja položaja nove ose po koncepciji Nalenza na osnovu razlike avolvenata. Daju se formule za dobijanje nove ose.

20 — Dr. inž. Stanislav Latoš:

Mgr. inž. Jerzy Rodzynkiewicz:

»Mogućnost automatizacije pojedinih geodetskih radova korišćenjem fotoelektrične pojave«.

z

Autori su patentirali metod otkrivanja i merenja deformacija objekata (korišćenjem fotoelektrične pojave) u odnosu na pravu realizovanu paralelnim svetlosnim snopom. Konstruisan je merni instrument i izvršena su ispitivanja na rotacionim pećima. Rezultati pokazuju da se na ovaj način mogu pratiti deformacije sa tačnošću do 1 mm, čime je postignuta puna automatizacija kontrole i merenja deformacija raznih objekata.

21 — Dr. inž. Jerzy Butowtt:
»Širokougaona, kratkofokusna mer-
na kamera 20/4040«.

Autor je konstruisao prototip široko
ugaone kratkofokusne kamere namje-
njene za fotogrametrijska merenja kru-
pnijih netopografskih objekata. Kame-
ra je malih dimenzija i može se koristi-
ti zajedno sa teodolitom.

22 — Dr. inž. Andrzej Majda:
»Fotogrametrijsko merenje brzopro-
menljivih procesa«.

Rešenje se svodi na adaptaciju dve-
ju kinokamera na principima terestri-
čke fotogrametrije. Ovakav način pruža
jedinstvenu mogućnost pune metričke
dokumentacije procesa koji se brzo me-
njaju i to sa tačnošću od nekoliko de-
setina milimetara.

Dr. Mitja Grašić, dipl. inž.

Iz ovih kratkih prikaza referata la-
ko je uočiti veoma pozitivnu situaciju
i tendencije razvoja poljske geodezije:

— sveobuhvatnost-praktično ne po-
stoji geodetska delatnost kojoj se ne po-
svećuje veoma ozbiljna pažnja: od ma-
lih i velikih premjera do satelitske ge-

odezije i razvoja savremenog geodet-
skog instrumentarija;

— visok ugled među drugim tehni-
čkim strukama i njihova međusobna
saradnja;

— veliki značaj koji se geodetskoj
djelatnosti pridaje u okviru državnih
planova razvoja;

— organizovanost i usmjerenošć na-
učnog rada na realne i savremene te-
me, koje proizlaze iz planova razvoja;

— patriotizam poljskih geodeta koji
daju maksimum od sebe da bi rezulta-
ti geodetskih radova olakšali izvršenje
planova;

— široka međunarodna saradnja,
koja im omogućuje da se uključuju u
velike naučne poduhvate, s tim da se i
oni sami održavaju na vrhu i u toku
savremenih dostignuća.

Ovakve međusobne posijete doprino-
se ne samo boljem međusobnom upoz-
navanju i daljem razvijanju tradicio-
nalnog prijateljstva našim narodima,
nego su podstrek za razvoj struke u
svakoj od zemalja.

Želimo poljskim kolegama dalje i
još veće uspijehe.

Abdulah Muminagić, dipl. inž.

SIMPOZIUM

GEODETSKA DJELATNOST U OBLASTI INVENTARIZACIJE PROSTORA

Na Bledu je održan Simpozijum »Ge-
odetska djelatnost u oblasti inventari-
zacije prostora« pod pokroviteljstvom
Stalne konferencije gradova Jugoslavi-
je od 22.-25. travnja ove godine. Na Sim-
pozijumu podnijeti su slijedeći referati
i koreferati:

- Marko Bulc, dipl. inž. »Društveno-
ekonomsko planiranje«.
- Milan Naprudnik, dipl. geod. inž.
»Regionalno prostorno planiranje«.
- Blagojević Vasilije, dir. SGU.
Muminagić Abdulah, dipl. geod. inž.
»Neposredni program razvoja geo-
detske djelatnosti«.
- Svetik Peter, geometar
Podobnikar Marjan, dipl. kom. inž.
»Inventarizacija prostora u Sloveniji«,
- Prof. Saša Sedlar, dipl. inž. arh.
»Inventarizacija prostora kao ele-
ment prostornog planiranja«.

- Urh Ivan, dipl. inž. geod.
»Inventarizacija prostora«,
- Janez Kobilica, dipl. inž. geod.
»Geodetska inventarizacija prostora«
- Prof. dr Tone Klemenčić
»Inventarizacija prostora i komunal-
na privreda«,
- Mgr. inž. Stanislav Napora (Poljska)
»Povezanost geodetske službe u gra-
du sa prostornim planiranjem i ure-
đenjem gradova i naselja«,
- Inž. Boguslav Žukovski (Poljska)
»Uloga poljoprivredne geodezije u
prostornom planiranju sela u Polj-
skoj«.
- Inž. Karel Maxmilian
Doc. dr inž. Oldrich Valka CSc
»Dosadanje stanje i perspektiva in-
ventarizacije zemljišnog fonda u
CSSR«,

- Kalač Ahmed, dipl. inž. geod.
»Uloga općinskog organa uprave za geodetske poslove kod inventarizacije prostora«,
- Teobald Belec, dipl. inž. geod.
»Automatizacija i geodetska djelatnost«,
- Buder Ivan, dipl. inž. geod.
»Fotogrametrija u oblasti inventarizacije prostora«,
- Nikolić Miodrag, potpukovnik geod. sl. JNA
»Fotointerpretacija i urbanističke studije«,
- Petrica Miroslav, dipl. inž.
»Geografsko-topografske karte i planovi u službi inventarizacije prostora«,
- Mrvić Milenko, dipl. inž.
»Uloga osnovne državne karte u inventarizaciji prostora«,
- Prof. dr Alojz Podpečan
»Inventarizacija prostora u svjetlosti tematske kartografije«,
- Klemenčić dr Vladimir
»Inventarizacija procesa u prostoru za potrebe regionalnog planiranja industrijskog društva«,

Moramo konstatirati žalosnu činjenicu da iz naše republike nije bio podnijet niti jedan referat i koreferat, pa čak da se od prisutnih iz SR Hrvatske nitko nije javio za rječ niti u diskusiji. Za pozdraviti je učestvovanje predstavnika studenata sa Geodetskog fakulteta u Zagrebu, čiji je predstavnik Kanceljak Branko pozdravio učesnike Simpozijuma.

Vrlo interesantan prilog u diskusiji dao je Boris Krunki iz Geodetske uprave SR Makedonije, te njegovu diskusiju donosimo u cijelosti:

»Geodetska inventarizacija na fizičkom prostoru, kao nova stručna disciplina pojavila se u periodu od posljednjih desetak godina, kao neophodna potreba i logična posljedica privrednog i društvenog razvoja, u uvjetima naše intenzivne izgradnje, kada se sadržaj svih naseljenih mjesta rapidno i korjenito mijenja i obogaćuje. Najažurnija dokumentacija i elaborati, kojima trenutačno raspolaćemo, ne mogu zadovoljiti suvremene i povećane potrebe za preuzimanjem mnogobrojnih planiranih

komunalnih zahtjeva, tj. za racionalnu i ekonomičnu izgradnju prostornog i regionalnog plana.

Više je nego evidentno, da je sama horizontalna inventarizacija objekata sadržana u suvremenim geodetskim podlogama i elaboratima, propisana topografskim znacima i simbolima, daleko od mogućnosti da dà realnu i kompleksnu sliku dinamike kretanja tog prostora. Skupljanje dopunskih podata ka za gibanje u prostoru, na i ispod fizičke površine zemlje, zasada je prepušteno na više stručnjaka različitih specijalnosti, u više radnih organizacija i vrši se nažalost sporadično, od mesta do mesta, prema neposrednim potrebama, a ne kompleksno, kao jedna organizirana cjelina. Necjelovito i pretežno stihjsko sakupljanje, ne samo tehničkih, nego i socioloških i ekonomskih podataka, za stanje gibanja u prostoru stvara mnogo negativnih reperkusija, koje će se osjetiti i na slijedećim generacijama i urbanističkom oformljenju gradskih organizama.

Inventarizacija prostora kao jedan od najvažnijih elemenata u procesu regionalnog planiranja i preuzimanja mnogobrojnih i urbanističkih zahvata ima zadatak, ne samo da fiksira postojeće stanje na fizičkom prostoru, nego i da valorizira prostorne elemente od općeg društvenog interesa. Opće je poznato da slika nekog prostora, na primjer jednog gradskog ambijenta, nije nepromjenljiva, fiksna i konstantna veličina, već je podložna permanentnim promjenama kao posljedicama stalnog gibanja i ljudskog djelovanja u prostoru, njegovog utjecaja da mijenja i oblikuje prirodni ambijent, da ostavlja tragove svog postojanja. Studiozno praćenje i proučavanje ovih promjena kao i skupljanje općih informacija iz oblasti prostornog planiranja, u posebnim atlasima i specijalnim kartama, registrima i katastrima, imaju neprocjenivo značenje za urbanističko i regionalno planiranje.

U posljednjim godinama našega socijalističkog razvoja, vrijednost zemljišta od nekog regiona pa do građevne parcele, kao nova ekomska kategorija, počinje da dominira u procesu iz-

ZAKLJUČCI:

Na osnovu podnijetih referata i diskusije donijeti su slijedeći zaključci:

1. Da simpozijumu izloženi materijali u vidu referata, koreferata i eksponata predstavljaju solidne platforme za pristup u problematiku geodetske inventarizacije prostora kao integralnog dijela opće inventarizacije prostora. Međutim, kako je ova materija u našim današnjim uvjetima još nije u potpunosti sagledana, potrebno je intenzivno produžiti njeno daljnje i dublje studiranje i izučavanje kako bi se odredio njen optimalan sadržaj i obim.

2. Za geodeziju i za opću inventarizaciju prostora neophodna je osnova u vidu kartografskog materijala, odnosno u vidu karata različitog materijala interpretiranih sa odgovarajućim brojem podataka numeričkog ili opisnog karaktera. Osnove sa kojim danas raspolaže naša zemlja, iako su po svom obimu značajne, nisu dovoljne. Zbog toga treba se ubuduće pojačavati dinamika na njihovom upotpunjavanju i stalnom održavanju kako bi sve potrebe društvenog života bile zadovoljene.

3. Za efikasan i brz prilaz inventarizaciji, izvršenju geod. inventarizacije prostora i stvaranju osnova, nužno je da prvenstveno bude rješeno pitanje tehnologije i suvremene opreme u ovoj oblasti geod. djelatnosti i da se ova pitanja neprekidno rješavaju u skladu sa napretkom nauke i tehnike. Posebno se ukazuje na potrebu cikličnog fotogrametrijskog snimanja terena i snabdijevanja službe fotogramima kao pogodnim sredstvom za izvršenje zadataka inventarizacije.

4. Postojeće normativne propise treba dopuniti ili izmjeniti, a za područja djelatnosti, koja nisu još regulirana donijeti nove propise u okviru potreba društveno-političkih zajednica koji će u potpunosti omogućiti pristup rješavanju problema geodetske inventarizacije.

5. Učesnici Simpozijuma smatraju da bi brigu o geodetskoj inventarizaciji prostora trebala u budućnosti u cijelosti preuzeti geodetska služba.

Priredio M. Solarić

gradnje i u preuzimanju mnogobrojnih stručno-tehničkih intervencija. Vrijednost zemljišta kao nove ekonomске kategorije više se ne može apstrahirati odnosno zanemariti. Sve neophodnije postaju planske informacije o starosti objekata, njihovo vrijednosti i upotrebljivosti, sociološki i ekonomski podaci za naseljene regije, sa visokim ili niskim nacionalnim dohotkom, kao i za regije u kojima se bilježi veliki priraštaj stanovništva.

Regionalno prostorno planiranje u svom posljednjem stadiju predstavlja novi obimni, specifični i kompleksni posao. Rekoh složen, ali bi se trebalo reći osnovan i neophodan. To je činjenica ispred koje bi bilo glupo zatvoriti oči. Geodetska inventarizacija na prostoru, rekoh, predstavlja veoma velik zadatak, kompleksan i specifičan po svom sadržaju. Međutim, za njegovo uspješno izvršenje neophodno je potrebno u prvom redu da se premoste preživjela shvaćanja, prema kojima se geodetska služba tretira kao nešto drugostepeno, a geodetski radovi se mogu obavljati ovako i onako. Istina je da je geodetska služba bila potisнутa na periferiju društvenog interesa i zauzimala je začuđujuće malo mesta u društveno-političkim organizacijama. Ako želimo da permanentno ne zaostajemo za suvremenim potrebama izgradnje fizičkog prostora, nemamo druge alternative, već da nastojimo da omogućimo i nijegujemo stvaralačku orijentaciju ka problemima i zadacima, u svim punktovima naše aktivnosti, te da se služimo najsvremenijim dostignućima geodetske teorije i prakse. Trebalo bi korjenito promjeniti mentalitet geodetskih stručnjaka od neposrednih izvršitelja, do najviših geodetskih rukovodioca, pa čak i onih nosioca glavnih funkcija koji su direktno zaduženi da rukovode celiokupnom organiziranim izgradnjom.

Moram da ponovim, da moramo prevariti stara svačanja i da počnemo (krajnje je vrijeme) rasčišćavati puteve prema novom i progresivnom što do nosimo u geodetsku službu, i što se iz dana u dan sve više afirmira.«

DIPLOMIRALI NA GEODETSKOM FAKULTETU U ZAGREBU

Na dan 15. XII 1969. godine — Geodetsko usmjerjenje

MRAKOVČIĆ Mirko, rođen 29. IV 1943. godine u Zagrebu.

Diplomski rad: Određivanje odklona težišnice Huttonovom metodom na tački Sljeme i istočnoj tački bazisa.

RUS Božidar, rođen 10. XII 1942. godine u Zagrebu

Diplomski rad: Određivanje vertikalnog magnetskog inteziteta na području općina: Otok, Čehi i Klara.

SMOLJAN Zlatko, rođen 16. VIII 1943. godine u Zagrebu

Diplomski rad: Tissot-ova konpenzacionska projekcija za SR Hrvatsku.

Na dan 22. XII 1969. godine — Geodetsko usmjerjenje

BADOVINAC Marija, rođena 19. XI 1943. godine u Pilatovici (Karlovac)

Diplomski rad: Izletnička karta Medvednice.

ROGINA Albert, rođen 1. VIII 1942. godine u Zagrebu.

Diplomski rad: Ocjena tačnosti visinske predodžbe na osnovnoj državnoj karti 1:5000 područja Medvednice.

Na dan 22. XII 1969. godine — Kulturalno — tehničko usmjerjenje

CESARAC Ksenija, rođena 12. VII 1945. godine u Zagrebu.

Diplomski rad: Maksimalne protoke u slivu Raše.

PETROVIĆ Ivan, rođen 24. VIII 1944. godine u Koprivnici.

Diplomski rad: Odvodnja melioracionog areala Ilova-Repušnica.

SEČEN Vladimir, rođen 9. IV 1945. godine u Močilama kod Karlovca.

Diplomski rad: Ustava na kanalu Lonja — Strug.

Na dan 27. III 1970. godine — Kulturno -tehničko usmjerjenje

ŠVAST Veljko, rođen 1. I 1942. godine u Pećca-Tribalj (Rijeka).

Diplomski rad: Projekt ceste III reda.

Na dan 27. III 1970. godine — Geodetsko usmjerjenje

GALEKOVIĆ Josip, rođen 14. II 1943. godine u Mraclinu (Zagreb).

Diplomski rad: Uspoređiti i grafički predočiti koeficijente $g_1^0, g_1^1, \dots, h_4^3, h_4^4, A_0, A_1, B_1, C_1, \dots, E_4, F_4$ koji ulaze u formulu za normalne vrijednosti geometrijskih elemenata X, Y, Z.

LUKATELA Hrvoje, rođen 28. IX 1943. u Ludbregu (Varaždin).

Diplomski rad: Obraditi predodžbu hidrografske mreže na topografskim kartama s posebnim osvrtom na osnovu državnu kartu 1:5000 područja Medvednice.

MALOVIC Branko, rođen 13. XI 1941. godine u Sv. Petru na Mrežnici (Karlovac).

Diplomski rad: Na mreži II reda izvršiti izjednačenja, ako se uzme u obzir nepoznanica orijentacije i ako se ona zanemari, te komparacija tačnosti.

STARČEVIC Vlado, rođen 1. VII 1940. godine u Zagrebu.

Diplomski rad: Međunarodna projekcija za kartu svijeta u mjerilu 1:1000 000.

STINI Vjekoslav, rođen 18. V 1941. godine u Osijeku.

Diplomski rad: Bečki koordinatni sistem na području Dalmacije i njegova transformacija u sisteme Gauss-Krügerove projekcije.

Na dan 7. IV 1970. godine — Geodetsko usmjerjenje

BADEL Zdenka, rođena 21. II 1942. u Zagrebu.

Diplomski rad: Primjena nekih gravimetrijskih metoda određivanja srednje gustoće Zemljine kore.

BEJO Jozefina, rođena 19. III 1940. u Splitu.

Diplomski rad: Idejni projekt ceste III reda.

CINDRIĆ Damir, rođen 2. XI 1941. u Ogulinu.

Diplomski rad: Idejni projekt ceste II reda.

DELAC Damir, rođen 7. IV 1945. u Cavatu.

Diplomski rad: Dvije metode kontinuacije polja sile teže prema dolje uz prethodni prikaz tretmana polja sile teže u teoriji potencijala.

Na dan 28. V 1970. godine, Geodetsko usmjerjenje

GROŠ Vladimir, rođen 7. VIII 1944. u Borovu.

Diplomski rad: Barometrijsko određivanje visina metodom na preskok za dio nivelmanske mreže grada Zagreba.

NOVAK Dubravka, rođena 12. VII 1944. u Zagrebu.

Diplomski rad: Barometrijsko određivanje visina metodom stalne baze za dio nivelmanske mreže grada Zagreba.

SPEVEC Ivan, rođen 20. XI 1939. u Zlataru.

Diplomski rad: Izvršiti opažanje Eötvösowim varimetrom u tri i pet azimuta, te dati ocijenu tačnosti dobivenih rezultata i usporediti rezultate ova dva načina.

VNUČEC Bogomir, rođen 20. I 1940. u Gornjoj Stubici.

Diplomski rad: Odrediti razliku ubrzanja sile teže step metodom između komparatorskog stupa u Geodetskom zavodu Geodetskog fakulteta i »zapadne tačke bazisa«.

UVJETI ZA UPIS NA SAMOSTALNI PRVI STUPANJ NASTAVE GEODETSKOG FAKULTETA U ZAGREBU U SK. G. 1970/71.

Za upis u izvanredni I stupanj nastave mogu se prijaviti:

a) građani koji su završili srednju geodetsku tehničku školu i nakon završene škole proveli najmanje 2 godine u praksi,

b) građani koji nemaju odgovarajuću školsku spremu pod a), a imaju najmanje 5-godišnju praksu u geodetskoj struci, i stariji su od 18 godina.

Kandidati pod b) polažu prijemni ispit koji obuhvaća slijedeće predmete: hrvatsko-srpski jezik, matematiku, fiziku, nižu geodeziju i geodetsko crtanje (gradivo srednje geodetske škole).

Prijave za upis predaju se ili dostavljaju do 10. IX 1970. godine Geodetskom fakultetu Zagreb, Kačićeva 26, taksirane sa 2, dinara administrativne taksene marke, a treba im priložiti:

- svjedodžbu o završenoj školi,
- potvrdu o odgovarajućoj praksi u geodetskoj struci,
- izvod iz matice rođenih i
- dvije poštanske karte s tačnom adresom.

M. Solarić